

152 2006TP
6

第 十 七 世 端 行 敦 公 書



第十七世

例贈奉政大夫公諱登書


登一敦淵字派生

於清道光十八年戊戌三月十八日亥

時生二子長慶祥次輔卿卒於清光緒

七年辛巳八月二十二日戌時年四十

四歲墓在秤鈎港坐西北向東南



第七世敦書公配徐太君



妣徐宜人 生於清道光二十五年乙巳四月二十八日辰時 卒於民國十七年戊辰五月二十四日子時 壽八十四歲



題沈敦書公徐太君慶祥公徐孺人

遺像

沈氏於宋天聖中自泉塘遷於慈谿
池頭者實自交通公始十有六傳至
司馬晉楚公長沈宗者垂二十年生
贈奉政大夫敦書公時有清道光十



八年三月十八日也長而嚴正有父
風家雖貧績學不倦弗仕供子職焉
終身罔懈以孝行聞娶同邑洋墅下
宅徐氏太君生二子慶祥慶桂女一
適周君蔭齋先司馬二年卒年四十
有四為清光緒七年八月二十二日



太君性慈祥明大義平生無迂色事
舅相夫教子女雍雍肅肅三針黹一
家衣食賴焉舅夫相繼歿長子又不
祿益劬苦飢寒弗恤及次子服賈滬
上家漸裕弗事田宅先教以敬宗睦
族於是改建祠宇定宗譜設同族義



務學校費四萬金而已則勤勞如故
未嘗稍自逸又好施衣藥等事年復
千金焉壽八十有四贈恭人生於清
道光二十五年四月二十八日卒於
民國十七年五月二十四日慶祥公
生於清同治四年三月十七日幼而



岐嶷明敏好讀書克荷世澤惟以家
屢空拋卷從周君蔭齋游俄遘暴疾
卒去娶徐孺人纔七閱月耳無子後
以弟之長子雲鵬嗣年二十有四為
清光緒十四年九月二十日徐孺人
亦家洋墅下宅為太君之姪嫻姆教



端順貞固孀七月而寡哀痛幾毀雖
然侍姑仍盡禮常佐績織過午夜雖
命之退莫敢先休待娣氏甚和愛其
子女如己出姑前未嘗露戚容而閨
門獨處肅如也旋以節孝旌生於清
同治十一年十一月初十日卒於民



國十七年正月二十一日壽五十有
七夫內行敦篤者家必昌仁德及人
者後必顯不在其身其在子孫嗚乎
可以傳矣雲鵬合繪敦書公徐太君
慶祥公徐孺人之遺像以奉祀屬銓
次其懿行為合傳以昭示後昆故不



敢溢美也

歲在著雍執徐辛月

婁東郁公澤敬撰



沈母徐太君象贊并序

母徐慈谿人年十六歸于沈三十七
喪其夫舅僕然老矣母仰事俯畜衣
食所資悉取給手指篝燈紡織機聲
徹三四更比鄰夜睡醒率以是驗時
遲早無差也比舅逝伯子又早世母



處境益迫而益不敢自弛早夜兢兢
務以督其仲子使納於善仲子慶桂
服賈上海稍殖其業母詔之曰敦宗
恤族王父之志也苦力不贍無以副
所願每歲時上謁先祠感於楹桷之
頽譜系之散歸輒悒悒而歎吾聞之



數矣若今日幸致羸餘宜思所以成
先人之志者徒以甘旨裘服豐吾口
體之養猶無當也慶桂承命悚然遂
集族之長老子弟身為之先建宗祠
修家乘立族學祭祀教養次第畢舉
皆母之教也母年八十有四卒慶桂



奉母遺象屬題乃序而贊之贊曰
賢哉沈母以節自守以孝事舅歷百
苦以保其後於生無忝於死無負修
德於可大行道於可久是宜徼天之
牖受嘉福而臻壽考瞻仰遺容沖和
溫厚馨香俎豆終古不朽 馮玕



第十九世

雲鵬公名耕德允字派行二百二十五生

於清光緒二十七年辛丑六月初五日

丑時生子長耀基次紹基出嗣雲鴻公


三裕基四福基出嗣雲鴻公五垂基六

安基



妣鄭氏留車橋人生於清光緒二十六年
庚子二月初六日寅時





152 2006TP
6